

昨

非

庵

日

纂

昨非菴日纂口德卷之十二

攻隱慝造蜚譎舌底逞龍泉須防鬼腳詆潛
修揚中彈腹間藏蜂薑自取數窮彼一語興
戎曷如片言挾纊吾輩當渾默精深勿徒效
仰天之唾也纂口德第十二

昨非菴居士鄭瑄識

孔子觀周見太廟古階前有金人三緘其口因
銘其背曰古慎言人也戒之哉毋多言多言

多敗母。多事。多患。勿謂何傷。其禍將長。
勿謂何害。其禍將大。勿謂不聞。神將伺人。焰
焰不滅。炎炎若何。涓涓不壅。終爲江河。綿綿
不絕。或成網羅。毫末不札。將尋斧柯。誠能慎
之。福之根也。勿謂何傷。禍之門也。

嚴君平買卜與子言依於孝與臣言依於忠與
弟言依於弟雖終日譚學而無講學之名士
大夫不可不味此意也

李文正公爲相人有求進用者必溫語却之或問其故曰旣失所望又無善訛取怨之道也論人之過當原其心不可甚其迹取人之善當據其迹不必誅其心

凡人於小人欺已處必明以破之韓魏公獨不然明足以照小人之欺然每受之未嘗形於言也

耳雖聞目不親見者不可從而言之流言可以

惠衆若文其言而貽後世恐是非邪正失實
韓非作說難而卒斃於說所謂多言數窮者非
恥

語人之短不曰直言人之惡不曰義

元城先生於不妄語三字力行七年而後成是以君子貴謹記

浮論難憑聖賢多謗試問釋迦於移山之口佛云乎哉叩宣尼於伐木之夫何聖之有

善謔浪好詆譖。吐語傷於過綺，取快佐驩，亦無大害。揚隱微談中，寧爲德母，乃太涼積愆消福。吾黨戒之。

胡文定公家至貧，然貧之一字，於親故間，非惟口不道，手亦不書。嘗戒子弟曰：「對人言貧，其意將何求？汝曹志之。」

顧卦慎言語，節飲食。然口所入者其禍，小心。口所出者其罪多。故鬼谷子云：「口可以飲，不可以

周易卷之三

言

程明道爲御史告君曰使臣拾遺補過則可若
揆索臣下短長以沽直名臣不能也

賀若弼父敦爲宇文護所害臨刑呼弼謂之曰
吾以舌死汝不可不懲因引錐刺弼舌出血
誠以慎口

司馬徽有人倫鑒識居荊州知劉表性暗害人
乃括囊不談有以人物問徽者不辯高下每

輒言佳。其婦諫曰。人質所疑。君宜辯論。而一
皆言佳。豈人谷君意乎。徽曰。如君所言。亦復
佳。其婉遜如此。

凡議論要透。皆是好盡言也。不獨言人之過。
俗語近於市纖語近於娼。譁語近於優。士君子
一涉此。不獨損威。亦難迓福。

狄仁傑一言而全人之社稷。穎考叔一言而全
人之母子。晏子一言而省刑。

伊川先生見人論前輩之短。曰汝輩且取他長處。

歐陽公不言文章。而喜談政事。蔡君謨不言政事。而喜論文章。各不矜所能也。

好談閨門。及好談亂。必爲鬼神所怒。非有奇禍。則有奇窮。

葉道卿自浙漕罷。以母老求養。長子經臨江軍修謁方入。客次聞衆賓聚首。言道卿被罪去。

位。問得報耶。賓曰。傳聞耳。曰。道卿乃某家君。
以祖母老。求便寢。無過衆賓。負瓶幾失。所措。
信知稠人中不可妄談是非也。

聞暖語如挾纊。聞冷語如飲冰。聞重語如負山。
聞危語如壓卵。聞溫語如佩玉。聞益語如贈
金。口耳之際。倍爲親切。

何遠言不虛妄。蓋其天性。每語人曰。卿若得我。
一妄語。則謝卿。一繚衆共伺之。終莫能得。

祝期生爲人僂薄。見智愚貧富。皆輕侮之。評品
之官。則發其陰邪。士則發其隱曲。無可擬議。
者。則巧求其短。以毀之。晚年病舌黃。每作須。
刺血數升。乃已。復作。又刺一歲五七次。痛苦
難言。舌枯而死。此等人。孰不畏其口者。亦豈
不豪傑自命。而無識小人。孰不從而和者。然
而影射誣人。不少矣。祝舌猶存。當任他快。而
已。道士章齊。一好嘲謔人。後亦嚼舌而死。

對官長而言清則不清者見怒對朋友而言直則不直者見憎

傅獻簡公曰以帷箔之罪加人寰爲暗昧萬一非辜則令終身被惡名至使君臣父子間難施面目言之得無訛乎

裡造歌謡不惟不當作亦不當聽徒損心術長浮風耳若一聽之則清淨心中亦下一不淨種子矣

朱子口銘云。病從口入。禍從口出。此語最好。

余得古書。校過付抄。抄後復校。校過付刻。刻後復校。校過卽印。印後復校。然魯魚帝虎。百仍二三。夫眼眼相對。尚然。況以耳傳耳。其是非。毀譽寧有真乎。

王真先生云。凡人本來福積不厚。肆口又無忌憚。愈見薄福。要見薄福證驗。若平生數奇多忤。不如意事十常八九是也。故諧人翻譯齋。

夫喋喋非有冥禍則有奇窮
有好談閨門者吾曹當引避之況據無影之事
形於奏牘之間聚至尊辱士類此小輩佑乃
祇自傷耳一刻三洗耳一日三易腸惟恐不
及況可褰裳蹈之哉

楊天年弱冠與周翰朱昂同在禁掖二老時已
皤然楊每論事侮之曰二老翁以爲如何翰
不能堪正色謂曰君莫欺侮我老老亦終留

與君昂曰莫留與他免得後人又欺侮他厥後楊不及五旬卒求爲老翁不可得也或問人於議論多直無含容是氣不平否程子曰亦是量狹。

喜時之言多失信怒時之言多失體

徐司空名陟文貞公弟也初宦都下南歸張江陵爲文貞門生與諸君具酒送之臨別各上馬去而陟醉甚追至江陵聯騎而行以扇叩

之云去時還有張老送來時不知張老死和存張大銜之王元美公爲郎時適有客席而嚴世蕃亦與世蕃久不至衆待良苦已入問何故來遲世蕃云忽病傷風耳元美笑云爹居相位怎說得傷風衆大笑而亦有爲公咋指者顧小川爲徐文貞婿謁見太守方公適有坐客問此君何人方云當朝宰相爲岳丈三事皆用蔡伯喈調謔一時機鋒到自難禁

未免貽輕詆之譏。

一時教人以口百世教人以書

劉貢父滑稽善謔。酷甚。矛刃而貌得惡。疾景王亮結社相嘲。號猪嘴鬪而舉社壘。粉故知口業之報。人非固多鬼責尤重。

多言最使人心志流蕩而氣亦抑少。言不惟養得德深又養得氣完。

輕言戲謔最害事。蓋言不妄發。則言出而人信。

之。苟輕言戲謔。後雖有誠實之言。亦弗之信矣。

古人謂怒於室者色於市。方其怒時與他人言。必不卑遜。他人不知所自。安得不怨。故盛怒之際。與人言語。尤當自警。

傅獻簡公以言事謫知和州通判。楊洙問曰。公以直言斥居此。何爲言。未嘗及御史時事。公曰。前日言職也。豈得已哉。今日爲郡守。當宣

朝廷美意而反咷咷言。前日之闕政與誹謗何異。

薛文清公曰。切不可隨衆議論。前人長短要當已有真見乃可。在古人之後。議古人之失。則易處古人之位。爲古人之事。則難。

穀家要畧曰。今人一相抵觸。忿謗銜興。豈忠厚存心者哉。至於閨門事。所繫尤重。孔子謂人所信者目。目亦有不足信者。凡傳聞之言。狀

聲畫影豈可挈清白之人而置之腥穢之坑
塹乎萬一有之耳可得聞口不可得言也假
若厚誣其人使抱終身不滌之耻由是夫棄
其婦父逐其子口舌紛擾骨肉殘喪者多矣
可不戒哉

劉穆之貧時好往妻家乞食。其妻江嗣女。江氏
每有慶會。妻囑令勿往。穆之故往。食畢。又求
檳榔。江氏兄弟戲之曰。檳榔消食君何須此。

及穆之爲丹陽尹。召妻兄弟宴飲至醉。乃以金梓貯檳榔一斛遺之。

苗晉卿數薦元載。李揆輕載地寒。謂晉卿曰。龍章鳳姿。士不見用。麝頭鼠目。子乃求官邪。載聞銜之。及秉政。奏揆試秘書監。江淮養疾。揆家百口貧無祿丐。食取給牧守。稍厭惡。則去之。流落凡十六年。

孔光事成帝。凡典樞機十餘年。守法度。修故事。

上有所問據經而對不希苟合如或不從
不敢強諫爭以是久而安時有所言輒削草
藁以爲章主之過以許忠直人臣大罪也有
所薦舉唯恐其人之聞知沐日歸休兄弟妻
子燕語終不及朝省政事或問光溫室省中
樹皆何木也光嘿不應更答以它語其不泄
如是

耶律德光嘗問馮道曰天下百姓如何救得道

爲俳語以對曰。此時佛出也。救不得。惟皇帝
救得人。皆以謂契丹不至滅夷中國之人者。
道一言之力也。

後唐莊宗皇后劉氏。父劉叟。賣藥善卜。號劉山
人。劉氏性悍。與諸姬爭寵。常自耻其家世寒
微。莊宗乃爲劉叟衣服。自負蓍囊藥笈。使其
子繼岌。捉破帽隨造臥內。曰。劉山人來省女。
劉氏大怒。笞繼岌而逐之。

馬援兄子嚴敦並喜譏議而通輕俠客援在交趾還書諫之曰吾欲汝曹聞人過失如聞父母之名耳可得聞口不可得言也好論議人長短妄是非政法死不願聞子孫有此行也龍伯高敦厚周慎口無擇言謙約節儉廉公有威吾愛之重之願汝曹效之杜季良豪俠好義憂人之憂樂人之樂清濁無所失父喪致客數郡畢至吾愛之重之不願汝曹效也

效伯高不得猶爲謹敕之士所謂刻鵠不成
尚類鷺者也效季良不得陷爲天下輕薄子
所謂畫虎不成反類狗者也

仁宗天性寬仁言事者競爲讟訐至汚人以帷
簿不明事范鎮獨引大體非關朝廷安危生
民利疾則不言宰相陳執中有嬖妾殺婢御
史奏逐去之鎮言陰陽不和財匱民困執中
當任其咎今御史捨大責細暴揚燕私欲以

一婢逐宰相。非所以明等級辨堂陛也。識者
避之。

諸葛瑾與孫權談說諫喻。未曾切愕微見威采。
粗陳指歸。如有未合。則舍而及他。徐復託事。
造端。如物類相求。於是權意往往而釋。

昨非菴日纂內省卷之十三

于聖示心疊三省九思。教我津中覓岸。寸腔懸膽。鏡畏衾羞。影盡人衣裏。藏珠刻刻提防。念念返照。過於閃電中。天何止。聞鐘清夜。纂

內省第十三

昨非菴居士鄭 瑞識

范文正公云。吾每就寢。卽計一日奉養之費。及所爲之事。果相稱。則熟寐。不然。終夕不安眠。

明日必求以稱之者

趙清獻公帥蜀時有妓戴杏花公偶戲曰髻上杏花真有幸妓應聲曰枝頭梅子豈無媒逼晚公使老兵呼妓幾二鼓不至令人速之公周行室中忽高聲呼曰趙括不得無禮旋令止之老兵自幕後出曰某度相公不過一時辰此念便息實未嘗往也

纔舒放便思收斂纔言語便思簡默不可乘喜

而多言不可乘快而多事須有包含則有餘
味發露太盡恐亦難繼

君子對青天而懼聞雷震而不驚履平地而恐
涉風波而不懼

過惡深重者亦有效驗或心神昏塞轉頭卽忘
或無事而常煩惱或見君子而消阻或聞正
論而不樂或施惠人而反怨或夜夢顛倒甚
則妄言失志皆作業相也苟一類此卽須奮

卷之三

言行擬古人。則德進。功名付天命。則心閒。報應念于孫。則事平。受享慮。疾病則用儉。

趙抃任成都。一琴一鶴自隨。及再任。屏琴鶴止。有蒼頭執事。日所爲事。夜必如寇。拈香告天。不可告者。不敢爲也。

居高位而施乞丐。作奸宄而活數魚。已自煦煦。而假手殺人者。不悟善亦累累。而末流種毒。

者不知此謂顧指失頭殺牛放蟻

執抑者福輕而貴融之人其祿必厚操切者壽天而寬厚之士其年必長故君子不言命養性卽以立命亦不言天盡人自可回天

無事便思有襍念否有事便思有粗氣否得意便思有驕矜否失意便思有怨望否時時檢點到得從多入少從有入無纔是學問得力處

管寧浮海。大風幾覆舟。舟中人呼天懾罪。至管
寧云。嘗一朝科頭三晨晏起。及一次不冠。如
廁過。必在此耳。後同行諸舟盡沒。獨寧舟有
燈導而前。獲濟。

士君子濟人利物。宜居實不宜居名。居其名。則
德損。士大夫憂國爲民。當有心不當。有語有
其語。則毀來。

梁武帝身爲帝王。年五十。遂斷房室。第五倫子

病不往視。通夕不寐。猶子病一夕十往。退而安寢。而自以爲有私。管寧渡海遇風。自訟生平罪過。而止於一日科頭。三晨晏起。幸靈遇道路欹仄者正之。禾稼偃仆者扶之。終身不役使。臧獲薩守。堅渡野航。無人留渡。直而去。古有道者。省察精嚴如此。今人二六時中。有心制行。無適非罪戾。奈何譚道。

人爲五陰濁障。不能見虛空中聖賢。聖賢無一

處一刻不了然見我切宜慎獨

事當快意處能抑不特此生可免寂寥且能駕馭造化言當快意處能住不特終身自少尤悔且覺趣味無窮

人能捐百萬錢嫁女而不肯捐十萬錢教子寧盡一生之力求利不肯輕半生之功讀書寧竭貨財以媚權貴不肯捨些微以濟貧乏總未反而思耳

精室貞邪誰見忽而萬口喧傳自心善惡炯然
凜於十王考校

爲善如負重登山志雖確而力猶恐不及爲惡
如乘駿走坂雖不加鞭策而足亦不能制

莫作心上過不去之事莫萌事上行不去之心

陳文帝起自布衣知民疾苦每雞人伺漏傳籤
殿中者令投於塔石上鎗然有聲云吾雖眠
亦令驚覺

天若棄絕人。則差容悅者。以驕其氣。天若教道人。則差橫逆者。以練其心。彼奉天差而我不聽。則我悍矣。彼代天教。而我不領。則我愚矣。校天所差之橫逆。又一橫逆也。人可橫逆於我。我可橫逆於天哉。

阮光祿裕在鄒。曾有好車。借者皆給。有人葬母。欲借。不敢言。阮聞而嘆曰。吾有車。而使人不敢借。何以車爲。遂焚之。

居處必先精勤乃能閒暇凡事務求停妥然後
逍遙平時只自悠然遇境未免擾亂

一味見人不是則兄弟朋友妻子以及童僕雖
犬到處可憎故云每事卽反真一帖清涼散
也

處世須耐煩居官尤甚能耐煩便有識量着一
急性不得蓋事多在忙中錯也至讀書交友
當戶涉世無不皆然不惟涵養德性亦足占

後來造就使憧憧往來鹵莽裂滅卽讀書亦不能咀嚼作事交友必有始無終此無恒之人也况於居官不如意事舉目皆是若以忿惰躁競處之惟有投河赴海而已噫此雖人世之不古亦宇宙缺陷世界宜爾也故士必知命而後能樂天

與其燒香求福不如爲善與其念佛免禍不如去惡與其妄取施惠不如勿取與其濫費千

人不如省費

晉王珣王珉捨宅爲寺唐賀之章捨宅爲千秋觀龐蘊沉家產於洞庭湖而與女靈照同修梵行裴休爲宰相而送子出家胸中無戀如此乃於道可冀耳今人侵間闇以益宅獵市利以增貲爲錙銖而破顏爭尺寸而連訟擁膏腴以奉軀殼竭心力以營妻孥如是雖目第四部口吐蓮華何益哉

有人教富翁打坐。坐中忽憶數十年前人負宿
債。乃深歎坐功之有益。固知道不在蒲團上。
君子有三惜。此生不學可惜。此日閒過可惜。此
身一敗可惜。

眉睫纔交夢裏便不能張主眼光落地死去又
安得分明。故學道之法無多。只在一心不亂。
喫菜而生揀擇。則喫菜不異喫葷。作善而求勝
人。則作善還同作惡。

問祖宗之澤。吾享者是當念積累之難。問子孫之福。吾遺者是要思傾覆之易。

持論無鬼神見怪魂驚平居詆仙佛遇病齋懺
儒者可笑如此稱柴數米時翻名理廣筵媚
寵乞墦日掛山林齒頰高人其可信乎

小人營幹多從黑地欺心豪傑作爲何怕青天

有眼

晉傅玄銘席之左端曰閑居勿極其歡右端曰

寢處勿忘其患。左後曰居其安無忘其危。右後曰惑生於邪色禍成於多言。

觀察使李綬立身甚嚴所居在報慈寺西。一日火作延及家人慌徙綬叱曰此室皆清倅所建。卽焚香拜祝曰若李綬有枉法之跡苟苴之汚愿速焚以彰不德旣而四面皆焚惟李宅獨存。常大書屏間曰布施不如還債作福不如省非真格言也。

祈雨疏有云。旱既太甚。神謝人求默謔示曰。我觀下土。富不澤貧。貴不澤賤。甚者親不澤親也。在誰非旱境。我觀衆生。貧難求富。賤難求貴。甚者親難求親也。人人誰肯應求平等。相求尚多不應。汝去天不啻萬里。乃望有求立應耶。汝但反求常作澤物。想汝雨及人吾雨及汝矣。

陸天池有寓言曰。某帝時宮人多懷春疾。醫者

曰須敕數十少年藥之。帝如言。後數日宮人皆顏舒體胖。拜帝曰。賜藥疾愈。謹謝恩。諸少年俯伏於後。枯瘠蹣跚無復人狀。帝問是何物。對曰藥渣。

縱才情不減相如。何必效臨邛之竊。若事功未齊少伯。奚堪倣五湖之游。青衫濕淚事雖美。而未必槩司馬生平紅拂扣門遇誠奇。而豈足盡衛公俊偉。我願世人寧甘朴拙莫羨多。

情縱有機緣且思陰報

人思火體熱思水體寒怒則髮豎驚則汗滴懼則肉顫愧則面赤悲則淚出慌則心跳言酸則涎言臭則唾又日有見夜必夢擾日有思夜必譖語夢交則泄精氣怒則發狂皆因心而生者也人自省靈君可一刻不在絳宮以統百屬

段希堯使吳越過海遭大風左右恐怖希堯

吾平生不欺汝等恃吾可無恐也已而風止
倚高才而玩世背後須防射影之虫飾厚貌以
欺人面前恐有照膽之鏡

恩裏由來生害故快意時須早回頭敗後或反
成功故拂心處莫便放手

陶文懿公以差出還朝慨然嘆曰吾儕居官卽
令事事濟人不能掩罪萬一况此間局未得
親民將何修而可憶余簡差出京往還幾千

點役夫不知若干人。彼彭彭林林皆人子也。
炎蒸汗喘若雷嚴寒跋渟衝雪由此而踣道
路委溝壑何可勝數。此等罪業皆由我作。我
無勞以享之。果報不誣能無惕然乎。

仇邊。努易避。恩裏戈難防。苦時坎易逃。樂處阱
難脫。

無事如有事。堤防纔可弭意外之變。有事如無
事。鎮定方可消局中之危。

與善人交。有終身了無所得者。與不善人交。動
靜語默。悉從而似之。人性如水。爲不善如就
下。可不擇交。

程伊川自省云。農夫祁寒暑雨深。咷易耨。吾得
而食之。百工技藝作爲器物。吾得而用之。介
胄之士。披堅執銳以守土宇。吾得而安之。無
功澤及人。而浪度歲月。晏然爲天地間一臺
婚而論財。究也。夫婦之道。喪葬而求福。究也。父

子之恩絕婦凌其夫者恃於富也子露其父者惑於地也

做秀才如處子要怕人既入仕如媳婦要義人歸林下如阿婆要教人

有橫逆於此逆來必不順受非君子不能自反有橫財於此逆來恐不再來雖君子不必自反惟聖人誅天下之橫人又能散鹿臺之橫財無所不自反也誰能視橫財若橫人艴然

朱子語類 卷之二

不肯受乎

炎涼之態處富貴者更甚於貧賤嫉妒之念爲兄弟者或狠於外人

有一言而傷天地之和一事而折終身之福者切須檢點

心曰本心性曰本性分曰本分原不計利息也賣菜傭持本換利幾束菜幾文錢左手交右手斤斤不爽故談及報應夫子不答蓋不教舉

世作賣菜傭也。世提一雙空手，要圖僥倖去拿錢。曾傭不若。

草太玄者，乃作逐貧賦。不耐貧而欲逐，便非守玄矣。諫佛骨者，乃作送窮文。不堪窮而欲送便是脆骨矣。

王丞相名位隆重，百僚欲爲降禮。馮太常以閻顏光祿顏曰：「公雖重禮無偏敬。」旣而告人曰：「吾聞伐國不問仁人。」向馮祖思問俟於我。我

其有邪德乎。

貧賤生勤儉。勤儉生富貴。富貴生驕奢。驕奢生貧賤。六道輪迴。

天非私富一人。蓋托以衆貧者。天非私貴一人。蓋托以衆賤者。貧賤人食力營業。自家血汗。自家消受。天之鑒察反寬。富貴人擔爵食祿。萬民血汗。一人消受。天之督過更重。

伊川先生有云。士大夫相聚未仕者。不過論科。

日之進取。已仕者不過及官職之差。余下此者。計資財多寡。角生理巧拙。比嗜欲勝負。無所不至焉。其有彼善於此。言語文字之未剪綵爲花象龍。救旱抑竟何得哉。嗚呼。君子求益於師友。不苟然矣。然則世無其人。歸而求諸吾書可也。

有人患好色。問王龍谿先生。先生云。有人設帷帳。指謂中有名娼。汝可褰帷就之。汝從而入。

視乃汝妹汝女也此時淫心亦頓息否曰息矣先生曰然則淫本是空汝自認作真耳

謝顯道與伊川別一年往見之伊川曰相別又一年做得甚工夫曰也只是去箇矜字曰何故曰仔細檢點來病痛盡在這裏按伏得這箇罪過方有向進處

晦菴先生曰人若着些利害便不免開口告人却與不學之人何異向見李先生說若大段

排遣不去。只思古人所遭患難，有大不可堪者。持以自比，則亦可少安矣。始者甚卑其說，以爲何至於此。後來臨事，却覺有得力處，不可忽也。

象山先生曰：學者不長進，只是好已勝出一言。做一事便道全。是豈有此理？古人惟貴知過，則改。見善則遷。今各自執已是，被人點破便愕然，所以不如古人。

魏文侯問狐卷子曰。父賢足恃乎。曰不足。子賢足恃乎。曰不足。兄弟賢足恃乎。曰不足。臣賢足恃乎。曰不足。文侯勃然作色。曰寡人問此五者於子。一一以爲不足者何也。曰。父賢不過堯而丹朱放。子賢不過舜而瞽瞍逼。兄賢不過桀而象傲。弟賢不過周公而管蔡誅。臣賢不過湯武而桀紂伐。望人者不足。恃人者不久。君欲治從身始。人何可恃乎。

明道先生曰。堯夫解他山之石可以攻玉。玉者溫潤之物。若將兩塊玉來相磨。必磨不成。須是得他箇龐礪物方磨得出。譬如君子與小人處。爲小人侵凌。則修省畏避。動心忍性。增益豫防。如此便道理出來。

欲做精金美玉的人品。定從烈火中煅來。思立揭地掀天的事功。須向薄水上履過。融得性情上偏私。便是一大學脚。消得家庭內

嫌隙便是一大經綸

一念錯便覺百行皆非。防之當如渡海浮囊。勿容一針之罅漏。萬善全始得一生無愧。修之當如凌雲寶樹。須需衆木以撐持。

象山先生曰。世人只管理會利害。皆自謂惺惺。及他已上事。又却只是放過。怎知名利如錦覆陷阱。使人貪而墮其中。到頭只贏得一箇大不惺惺去。

或問張無垢處事當如何。先生曰。遠不如思便不如當。用意不如平心。又問當官臨事如何。先生曰。切戒躁急。躁急則先。自處不暇。何暇治事。加以猾吏姦民。窺伺機便。以乘其邪。非特害人。於己甚害。

晦庵先生曰。延平先生常言。道理須是日中理。會夜裏却去靜坐思量。方始有得。某依此法做去。真是不同。

韓延壽行縣至高陵。民有昆弟相與訟田。自言延壽大傷之曰。幸得備位爲郡表率。不能宣明教化。至令民有骨肉爭訟。既傷風化。重使賢長吏嗇夫三老孝弟受其恥咎。在馮翊當先退。是日移病不聽事。因入臥傳舍。閉閭思過。一縣莫知所爲。令丞嗇夫三老亦皆自繫待罪。於是訟者宗族傳相責讓。此兩昆弟深自悔。皆自髡肉袒謝。願以田相移。終死不敢。

復爭

蔡京毀司馬光等書奸黨爲大碑頒於郡縣令刻石有長安石工安民當鐫字辭曰愚人不知立碑之意但如司馬相公者海內稱其正直今謂之姦邪民不忍刻也府官怒民泣曰被役不敢辭乞免鐫安民二字於石

唐韓休骨鰻不阿帝常獵苑中或大張樂稍過甚必視左右日韓休知否已而疏輒至帝時

引鑑默不樂。左右曰。自韓休入朝。陛下無一日懶。何不逐去之。帝曰。吾雖瘠天下肥矣。蕭嵩每啓事必順旨。我退而思。不安寢。韓林敷陳治道。多訏直。我退而思。寢必安。吾用韓休爲社稷。非爲朕也。

太宗謂蕭瑀曰。朕少得良弓十數。自謂無以加。近以示弓工。乃曰。皆非良材。木心不正。則脉理皆邪。弓雖勁而發矢不直。朕以弓矢定四

方識之猶未能盡。况天下之務乎。乃命京官五品以上更宿中書內省。以御史大夫杜淹參預朝政。

文天祥美哲如玉。秀眉而長目。顧盼燁然。自爲童子時。見學宮所嗣鄉先生歐陽修。楊邦乂。胡銓。像欣然慕之。曰。沒不俎豆其間。非夫也。成祖時。濬縣蝗蝻生。知縣王士廉。以失政自責。齋戒率僚屬耆民禱於八蜡祠。越三日。有鳥

數萬食蝗殆盡

皇太子聞而嘉之顧侍臣曰此誠意所格耳